

TIEDOKSI/ DIEHTUN

Inarissa/ Anáris 07.02.2012

**Sosiála- ja dearvvasvuohtadorvvu guovddášlihttu lea
mieđihan siviiladoaimmalašvuoda (kansalaistoiminnan) -
bálkkašumi anárlaš Mihku Ilmárii, Ilmari Laitii.**

Balkásupmi geikejuvvo Ilmarii otne 7.2. 2012 Duotjesemináras,
Anára Sajosis

Siviiladoaimmalašvuoda bálkkašupmi sáhtta mieđihuvvot ovttaskas
olbmui, olmmošjovkui dehe searvái ánssolaš doaimmas olbmuid
buresveadjima ovddidanbarggus.

Mihku Ilmárii (Ilmari Laitii) lea mieđihuvvon bálkkašupmi
guhkesáigásaš ja aktiivvalaš doaimmas mánggalágan servviin. Son
lea doaimman hui mánggain ja sierralágan servviin eaktodáhtolaš
bargin, stivralahtun ja vástidan sierra servviin maiddá ságadoalli
doaimmas. Aktiivvalaš searveolmmožin Ilmár lea doaimman ee.
SámiSoster rs:s, sámi kulturservviin, Sámi ráđis, giliservviin, Anára
girkostivrras ja -ráđis.

Mearkkašahtti ja bálggesčuolli, guhkesáigásaš barggu son lea
dahkan earenoamážit sámi duoji árvvu ja seailuheami ovddideamis
ja kulturmáhtu sirdimis nuorat sohka buolvvaide. Son lea doaimman
ee. ruovttudoalloovttastusas, Saamelaiskäsityö -ovttastusas, Sámi
Duodji rs:as ja Sámi oahpahušguovddážiš ja mánggain sierra
ráđđádallangottiin ja bargojoavkkuin.

Riikkaidgaskasaš arenain Ilmár lea leamaš gárgeheame sihke
davviriikkalaš ja Ruošša-ovttabarggu sierra oahppoásahusaiguin ja
sámeduodjeservviiguin. Ilmárii lea leamaš ieščielga ášši bargat
čavga ovttas duojáriiguin miehtá Sámi ja badjel riikkarájiid. Mihku
Ilmára guhkesáigásaš bargu váldooasis eaktodáhtolaš barggus lea
buvttadan bohtosa. Sámeduodji lea odne árvvus adnon, sámi
nuorat ja mánát gárvodit čeavljájit sámegávttiin ja sámi nuorat
oahpahallet duodjedáidduid, Sámi Duodji rs lea dovddus miehtá
máilmmi. SámiSostera doaimmaide Ilmár lea buktán iežas viiddes
searvebargomáhtus ja áššedovdamuša, maid mii leat sáhtán atnit
ávkin sámiid buresbirgema ovddidanbarggus.